

مرند اۆيکو

Mərənd öykü



بختیارلار

یازار: نریمان ناظم

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

بختیارلار نریمان ناظم

شهرین بۇيۇك پاركلاريندان ساييلان «میللت پارکی»ۋۇز اوزون عۇمرو بويو،جوربحور اينسانلاری قارشىلايىب، اونلارین احوال- روحیه سینی، سئوینچ و کدرهین دۇزوملو شاهیدی اولوبدور. اونلاردان کیمی سى درد الیندن قورتاریب قاچمیش، پارکین بیر بوجاغینا سیغینان؛ کیمی سى اۇز ایستکلیسی ایله بیرلیکده بیر دینچ یئر آراییب آختاریب، شیرین رۇویالارا دالان؛ کیمی سى اعتیاد جایناغیندا سیخیلیب، یئرسیزلیکدن بیر گۆشهیه دالدالانیب گئجه لهین؛ کیمی سى گنجلییین قانادلی آرزیلاری لا کیتاب الینده آغاجلار کۆلگه سینده وار- گل ائده رک دانیشگاه عشقی ایله اوچوشان، کیمی سى... کیمی سى... آنجاق هره سى بیر درده دالان، هر بیرى بیر رنگه چالان ایدیلر...

پارکین بۇيۇك دروازاسی نین یانیندا یئرلشن قوجامان چینار، بیر آغ ساققال کیمی سانکی باشقا آغاجلارین هنده وریندن گلن لری قارشىلايىر، گئندلری یولا سالیردی. او گون ایسه بو قوجامان چینار ال- اله وئریب قوشا گئدن بیر اوغلان ایله بیر قیزین شنلیکله گزیشملوینی، بختیار جاسینا اونون قاباغیندان سوزوب دروازادان چیخمالارینی ایزله دی. اونلار دئییه- گۆله خییاوانا چیخدیلار.

اوغلان ایییرمی بئش، ایییرمی آلتی یاشار ایدی؛ اونون ائنینده کی قیسا قول ساریمتیل «تى شئرت»ن هر اوچ دویمه سى آچیق ایدی. بوغازیندان آسیلان بویون باغی نین آلتین زنجیری ایشیلدايیردی. کیریتی مخملدن تیکیلیمیش عذابى دار شالوارى اونون آریق و اوزون قیچلارینی داها آریق و اوزون گۆستریردی. او آغ ایسپورت باشماغی لا تلسمه دن ییرغالانا- ییرغالانا یئریییردی.

قیزین زولاق- رۇق نازیک مانتووا بورو نموش نومودلو اندامی یولدان کئچن لردن باخیش اوموردو. قیز، اوغلان لا قول- قولا گئدیر، آستا- آستا پیچیلدا شیر، اونون نسه سؤیلمه سیندن نارین- نارین گۆلوردو. بعضن ده دایانیر اوغلانی احتیاصلی، چیلغین باخیشلار لا سوزوب، سونرا باشین اونون چیینینه دؤیه رک اوغونوب گئدیردی.

اوغلان او بیرى الی ایله ایکی ایتین مکسیگیندن توتوب چکیردی ایتین بۇيۇق قولاغی ساللاق، اتلی- جانلی بیر تازی ایدی. اونون زیل قارا بویالی دریسی پار- پار پاریلدايیردی. بالاجا ایت اوزون و گۆدک قیچ ایدی. یئرییه نده قارنیزده سوریو شورودو. اوزون قولاق لاری اویناقلاییردی. آغیمتیل قیوریم توک لری اونو املیک قوزویا اوخشادیردی.

اونلارین قاباغینجا ایییرمی- اوتوز آددیم آرالی بیر کیشی گئدیردی. الیندهکی بیرزنت ساکی الدن- اله وئیر، گاهدان بیر گئریه چئوریلیب بوغوق سسله «گئده یئین اول»- دئییه، کیمسه نی سسله ییردی. بو سسی ائشیدجک اون- اون ایکی یاشار بیر اوغلان اوشاغی الیندهکی توربانی دالینا آتیر، قاچاقچا گئدیپ، اؤز نو کیشی یه یئتیریردی. آما هله بئش- اون قدم گئتمه میش دؤنوب دالا طرف باخیردی. سونرا بیر آز گئدیر، یئنی دن دؤنوردو. آنجاق ایستر- ایستهمز یاواش- یاواش کیشی دن آرا آچیب، ایتلره یاخینلاشیردی. گاه اونلارلا یاناشی گئدیر، گاه دا اونلاری آرخادان ایزلە ییردی. هردن ده بیر الینی اوزادیپ بالاجا ایتی تومارلاماق ایستە ییردی. آما قارا ایتین میریلداماسیندان قورخوب گئری چکیلیردی. اوع بو ایشە دؤنه - دؤنه جان آتیر، آما ایتین چخیریغی اونو اوغورسوز قوبوردو.

بیر آن اوشاق دایاندی، سونرا سئوینجک چؤمبە لیپ، الیندهکی پیلاستیک توربانی قوردالاییب بیر تیکە چۆرە ک چیخارتدی. قاراش- قاراش- دئیە چۆرە یی ایتە ساری اوزاتدی. ایت ایسە اونو سایمادی. موچ- موچ ائله ییب چۆرە یی ایتین قاباغینا آتدی. ایت چۆرە یی اییله دی، آما یئمە دی. اوشاغین اؤز نە کدو چؤکدو قارا ایت اؤز نو قیزا ساری وئردی اونون قیچینا ساری سورتو شوپ کوچوک لئمە یە باشلادی. قیز ایتە دوغرو دؤندو. الینی اونون باشینا چکیر، «ائی وآ... نە نازدی بووو»- دئیە، اونون ایکی قولاغیندان یاپیشیب اؤز نە ساری چکدو اوشاق تەج وبلە قیزی سوزدو. قیز ایتین کمسیین اوغلان دان آلدی. ایندیسە ایتین بیر ی بو الدن، بیر ی او الدن گئدیردی. اوشاغین قیریشیغی آچیلدی گۆز لری گول دو. او فورصتی فؤوتا وئرمە ییب؛ قانوو قیراغی ایله بالا ایتە یاخینلاشدی؛ آما اوغلانین ایتی باخیشیندان چکینە رک یئنە دە ایت دن آرا آچدی. کیشی نین «گئده، یئین اول!» سسی یئنی دن ائشیدیلدی. اوغلان ایکی کؤنوللو اولان کیمی بیر کیشی یە طرف، بیر دە ایتە باخدی. سانکی سون دفە اولاراق بیر داها ایتی تومارلاماق ایستە یی ایله تلە سیک ایتە یاناشدی.

هامان لحظه ده قارا ایت بیردن بیرە اونون اوستو نە سیچرادی. کمسیک قیزین الیندن چیخدی. اوشاق قانوودان آتیلیب خییاوانا ساری قاچدیقا، یوخاری باشدان گلن ماشین اونو حاخلادی. بوق سسی، سونرا تورموز قیژیلتیسی ائشیدیلدی... مو سافیرلر ماشین دان یئنیب اوشاغا طرف قاچدیلار؛ سوروجو ایسە «آخ...» دئیە رک، ایکی الی ایله گۆز لیرینی اؤرتوب باشینی فرمانا سؤیکە دی.

سوروجو بیر نئچە لحظه او حالدا قالدی، سونرا جاماعاتین هاکیو یو ندن اؤز نە گلیمیش کیمی ماشین دان یئنیب، قیلچری دالینجا سورونە تورونە اؤز نو صحنە یه یئتیردی. جاماعاتی یاریب، اوشاغا باخان کیمی ایکی الی ایله باشینا دؤیوب «واى...»- دئیە یئرە چؤکدو .

اوغلان اوجادان بیر فیشقا وئریب چیغیردی: «Blacky!!». ماشینین سسیندن هورکن قارا ایت سسه دوغرو دؤندو. اوغلان قاچیب اونون کمسییین توتدقیز اؤزونو اوغلانا یئتیریپ، تعجؤبله سوروشدو «ئوآآ... نه اولدو؟». اوغلان «نه اولاجاق ایدی، حامبال اوغلو حامبال، آز قالمیشدی Blacky خی اؤلومه وئرسین»- دئییه، قیزین قولوندان یاپیشیب چکدی-سونرا یویوروب قانوو قیراغیندا دوشوب قالمیش برزئنت ساکا بیر تپیک ووروب، قیزی دالیجا چکه رک بوروغو بورولدو. بالا وای- دئییه اینیلدهین آتائین آرزولاری «بختیارلار»ین هارین-هارین گولوشلرینده بوغولوردو. اوشاغین اوستونه آغ پرده چکیلدیکده گؤی اوزونو سانکی قارا بولودلاراؤرتوردو. قوجا چینار یئنه ده دونوخوب قالمیش نظره گلیردی...